

## Chcedža swój wliw zesylnić

**Iniciatiwna skupina za legitimowne zastupnistwo Serbow – Serbski sejm chce so z towarstwom stać, zo móhła skutkownišo politiske hibanje wuwivać.**

**Njebjelčicy** (AW/SN). Iniciatiwna skupina Serbski sejm chce w blišim času załožiť zapisane towarstwo. To je skupina wčera w Njebjelčicach wobzamknyła. Towarstwo móže jako juristiska wosoba wjetši wliw wukonjeć, wšelake prawa lěpje wužiwać a zdobom skutkownišo politiske hibanje wuwivać. Prawiznik dóstanje nětko nadawk, zdžělać trěbny statut k załoženju cyłka. Z wudaćom lětaka „Je načasu, naše samopostajowanje zwoprawdźić“ je so zdobom zahajiła dobra kampanja, wutworić Serbski sejm, iniciatiwnicy wčera přezjednje měnjachu. Tuchwilu zběraja podpisma za podpěru předwidžaneho požadanja „wo zahajenje a wobjednanje zakonskich zakładow k wutworjenju demokratisce legitimowaneho zastupnistwa Serbow“. Wotpowědne lisćiny, hdžež móža so zajimcy zapisać, su na internetnej stronje sejma wozjewjene. Njewotwisnje wot digitalneje zahaja z dalšej lisćinu zběranje podpismow w serbskich towarstwach a mjez jednotliwymi wosobami.

Lisćiny chcedža potom prezidentej Sakskeho krajneho sejma dr. Matthiasej Rößlerej a prezidentce Braniborskeho krajneho sejma Briče Stark přepodać. Kaž rěčnik iniciatiwy dr. Měrcin Wałda zwěšća, nachadža tema Serbski sejm mjez politikarjemi „džeń a wotewrjeniše wuši a durje“. Po přěnich spomóžnych rozmołwach ze zapóslancami wjedu je dale mjez druhim ze statnym sekretarom Stefanom Brangsom, ze zapóslanču Zelenych Franzisku Schubert kaž tež z džěłowym kruhom „Wustawa, prawo, nutřkowne, Serbja“ frakcije Lěwicy.

Čłon iniciatiwy Gunnar Schneider z Mülsena pola Zwickauwa předstaji namjety, kak internetnu prezencu skupiny polěpšić. Web-strona měła přewidnišo zaměry iniciatiwy předstajeć a tuž bole z grafiskimi elementami a mjenje z tekstom pjelnjena być. Přěnje polěpšenja chcedža hižo kónc januara zwoprawdźić. Schneider, kiž tež serbšćinu wuknje, spomni, zo je stronu sejma mjeztym hižo wjac hač 103 000 zajimcow wopytało, štož wučinja přerěznje sto wob džeń.